



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

15. Vbi vera quæri debeat felicitas?

urn:nbn:de:hbz:466:1-45653

suas utilitates, commodaque videt, in ipsa cæcitate. Oculos perdi- Senec. lib.
di, inquit ille, cui responsum est: Quam multis cupiditatibus via in-
cisa est, quam multis rebus carebis, quas ne videres, erudiendi erant. de remed.
Non intelligis, partem innocentia cæcitatem esse? Huic oculi adulterium
monstrant, huic incestum, huic domum, quam concupiscat, huic urbem
& mala omnia. Certe oculi irritamenta sunt vitiorum, & scelerum du-
ces. Quæ non sunt accipienda in vituperium Conditoris, cuius
admirabile & preciosum opus est oculus; sed ab illis in solatium
considerantur, qui infirmitate aut cæcitate oculorum capti, non
cæcam Deam id fecisse queruntur; sed ab eodem benefactore ve-
ro Deo alijs agnoscunt oculos claudi, alijs aperiri. Paria possunt
de alijs quoque corporum malis cogitari, paria de omni Fortunæ
plaga, cuius immortale exemplum in S. Eustachio eiisque omni
familia; & recentius, in Sosa eiisque generosa coniuge & toto
comitatu, terra marique iactato, historici memorauerunt.

Quorum omnium inconstantissima felicitas, & toties re- XIV.
diens calamitas palam pronunciat, non in hac vita, sed alibi qua-
rendam esse veram felicitatem. Magna haec esse existimas, ait Philo- Senec.lib. I.
sophus, que relicturus es: & cum proposuisti tibi illam securitatem, ad epist. 21.
quam transiturus es, retinet te huius vita, à qua recessurus es fulgor, tan-
quam in sordida & obscura casurum. Erras, Lucili; ex hac vita ad il-
lam ascenditur. Quod interest inter splendorem & lucem, cum hac cer-
tam originem habet, ac suam, ille niteat alieno: hoc inter hanc vitam
& illam. Hæc quia fulgore extrinsecus veniente percussa est, crassam
illuminatim umbram faciet, quisquis obſtiterit: illa vero suo lumine illu-
stris est. Nequit ergo obscurari. Verè ille ipsa Fortuna cæcior est,
qui splendorem luci anteponit; fugit enim lucem, ut diem vespertilio-
nes, qui noctu in gladij fulgorem incurront. Fallit fulgor, lux
ostendit, quod verum est bonum. Et, iudice Augustino, ideo Deus S. Aug. l. 2.
felicitatibus terrenis amaritudines miscet, ut alia queratur felicitas, de Verbis
cuius dulcedo non fallat. Dom. serm.
29.

C A P V T X X X I I I .

Quenam, in Fortune casibus, è Seneca peti possint, contra
impatientiam, remedia?

Vduimus Augustinum docentem, quo pacto, huma-
næ felicitatis iactura parviæstimanda sit; quod etiam
Seneca, Plutarchus, Petrarcha, Bocatius aliisque com-
S f 2 plu-

I.